

中國古典文學基本叢書

王維集校注

三冊

中華書局



中國古典文學基本叢書

王維集校注  
三

〔唐〕王維 撰  
陳鐵民 校注

# 王維集校注卷八

## 編年文（開元）

### 送鄭五赴任新都序〔一〕

邠人前京兆，右扶風〔二〕，居上谷間〔三〕，與寢園接〔四〕。七月之什，蕩無遺風〔五〕，五陵之豪〔六〕，雜居其地，故有黠吏惡少，犯命干紀〔七〕。政寬則以姦病人，操急則以事中吏〔八〕。鄭子爲邑也，絃歌之化〔九〕，洋溢四封〔一〇〕，雷霆之威，燁赫百里〔一一〕，下車按捕〔一二〕，盡致法焉〔一三〕，繡衣不帷〔一四〕，風俗大治〔一五〕。苟以文墨抵罪〔一六〕，除名爲人，削跡于野〔一七〕。杜陵解印〔一八〕，時賣故侯之瓜〔一九〕，彭澤無官，詎有公田之黍〔二〇〕？牽衣肘見，步雪履穿〔二一〕，獲戾由忠〔二二〕，是貧非病〔二三〕。屬聖朝龍旂變輅，登封告成之事畢〔二四〕，蒼玉黃琮，郊天祀地之禮備〔二五〕。天下無事，海內乂安〔二六〕。盡登仁壽之域〔二七〕，猶下哀憐之詔〔二八〕；萬方有罪，與之更新〔二九〕，百寮失職〔三〇〕，使復其位。降邑宰爲輿尉〔三一〕，從綰墨而解褐〔三二〕。

〔一〕 作于開元十四年（七二六）孟夏四月，說見《年譜》。鄭五：名未詳。新都：唐縣名，即今四川新都縣。

〔三〕 邠，唐州名，治所在今陝西邠縣。本曰豳州，「開元十三年，改豳爲邠」（《舊唐書·地理志》）。右，古稱西方爲右。扶風，指岐州，治所在今陝西鳳翔。《舊唐書·地理志》：「鳳翔府，隋扶風郡。武德元年，改爲岐州。」二句意謂，邠人之居地，東有京兆，西接扶風。

〔三〕 上，趙殿成曰：「疑是山字或川字之訛。」

〔四〕 寢園，帝王陵園。據《元和郡縣志》卷一載，唐高祖、太宗、高宗、中宗、睿宗之陵寢俱在京兆府，西漢諸帝陵寢亦然。

〔五〕 《七月》之什，《詩·豳風·七月》序：「七月，陳王業也。周公遭變故，陳后稷先公風化之所由，致王業之艱難也。」正義曰：「作《七月》詩者，陳先公之風化，是王家之基業也。……經八章，皆陳先公風化之事。」二句卽用其意，謂周代先公風化之遺風在邠地（古豳邑卽在其境內）蕩然無存。

〔六〕 五陵：《漢書·原涉傳》：「郡國諸豪及長安五陵諸爲氣節者，皆歸慕之。」注：「五陵謂長陵（高帝）、安陵（惠帝）、陽陵（景帝）、茂陵（武帝）、平陵（昭帝）也。」按，漢代皇帝每立陵墓，都把四方富家豪族及外戚遷至陵墓附近居住，故曰「五陵之豪」。

〔七〕 命，命令，教令。紀，綱紀法度。

〔八〕 以姦病人，以姦行使民受苦。人，卽民，避唐諱改，下「除名爲人」同。中，中傷，攻擊陷害。二句述邠州地區之難治。

〔九〕 爲邑：指在邠地任縣令。絃歌：見《贈房盧氏瑄》注〔四〕。

〔一〇〕 四封：四境。

〔一一〕 燁（*de* 膽）赫：聲勢盛大。李白《古風》三十三：「憑陵隨海運，燁赫因風起。」百里：約指一縣之地。《白氏六帖事類集》卷二十一：「雷震百里，縣令象之，分土百里。」

〔一二〕 下車：指初到任。按捕：指審查、逮捕黠吏惡少。

〔一三〕 致法：謂用刑法。《史記·呂不韋傳》：「王不忍致法。」

〔一四〕 繡衣：着繡衣，隱指鄭「出討姦猾」，參見《送丘爲往唐州》注〔七〕。不帷：不張掛車帷，用後漢賈琮事，參見《送封太守》注〔六〕。不，底本原作「下」，據宋蜀本、明十卷本改。

〔一五〕 大，底本原作「之」，趙注：「之，疑是以字之誤。」此從《全唐文》。

〔一六〕 苟：猶但，見《經傳釋詞》卷五。文墨：指文書寫作上的差錯。

〔一七〕 削跡：消除車轍的痕迹，引申指匿跡、隱居。《莊子·漁父》：「丘再逐於魯，削迹於衛。」《藝文類聚》卷三十六魏繁欽《用里先生訓》：「黃綺削迹南山，以集神器之贊。」

〔一八〕 杜陵：見《晦日遊大理韋卿城南別業四首》其二注〔一〕。此句疑用蕭育事。《漢書·蕭育傳》：「謂育杜陵人，爲茂陵令，會課育第六，而漆令郭舜殿，見責問，育爲之請，扶風怒曰：『君課第六裁自脫，何暇欲爲左右言？』」及罷，出傳召茂陵令詣後曹（注：「如淳曰，賊曹決曹皆後曹。」），當以職事對（注：「忿其爲漆令言，故欲以職事責

之。〕。育徑出曹，書佐隨牽育，育案佩刀曰：「蕭育杜陵男子，何詣曹也〔注：「自言欲免官而去，但是杜陵一白衣男子耳，何須召我詣曹乎？』〕？」遂趨出，欲去官。

〔一九〕「時賣」句：見《老將行》注〔二〕。

〔二〇〕「彭澤」二句：蕭統《陶淵明傳》：「〔淵明〕爲彭澤〔在今江西湖口縣東〕令……公田悉令吏種秫〔黏穀，可釀酒〕，曰：「吾常得醉於酒，足矣。」妻子固請種秬，乃使二頃五十畝種秫，五十畝種粳。」詎，豈。二句謂鄭已去縣令之職。

〔二一〕牽衣肘見：《莊子·讓王》：「曾子居衛……三日不舉火，十年不製衣，正冠而纓絕，捉衿而肘見，納履而踵決。」步雪履穿，《史記·滑稽列傳》：「東郭先生久待詔公車，貧困饑寒，衣敝履不完，行雪中，履有上無下，足盡踐地，道中人笑之，東郭先生應之曰：「誰能履行雪中，令人視之，其上履也，其履下處仍似人足者乎？」穿，破敗。二句寫鄭的貧困潦倒。

〔二二〕獲戾由忠：《文選·袁宏·三國名臣序贊》：「正以招疑，忠而獲戾。」戾，罪。忠，底本原作「中」，此從宋蜀本。

〔二三〕是貧非病：《莊子·讓王》：「子貢乘大馬，中紺而表素，軒車不容巷，往見原憲，原憲華冠〔釋文：「以華木皮爲冠。〕徒履〔謂履無限〕，杖藜而應門，子貢曰：「嘻，先生何病！」原憲應之曰：「憲聞之，無財謂之貧，學而不能行謂之病，今憲貧也，非病也。」子貢逡巡而有愧色。」

〔二四〕屬〔屬〕燭：適值，恰好。龍旂：畫龍爲飾的旗。《詩·周頌·載見》：「龍旂陽陽，和鈴央央。」鄭箋：「交龍爲

旂。」此指天子的儀仗。鑾輅：天子的車駕。鑾，《全唐文》作「鸞」。登封：登山行封禪之禮。告成：謂告其成功於上天。《後漢書·祭祀志》云：「羣臣上言，卽位三十年，宜封禪泰山。」注：「《東觀書》載太尉趙熹上言曰：『……陛下……功成治定，羣司禮官，咸以爲宜登封告成。』」《祭祀志》又云：「登封之禮，告功皇天，垂後無窮，以爲萬民也。」按，《舊唐書·玄宗紀》曰：「開元十三年冬十月……辛酉，東封泰山，發自東都。十一月……己丑，日南至，備法駕登山，仗衛羅列嶽下百餘里……上與宰臣、禮官昇山。……甲午，發岱嶽。」二句卽就玄宗封泰山之事而言。

〔二五〕蒼玉黃琮：《周禮·春官·大宗伯》：「以玉作六器，以禮天地四方：以蒼璧禮天，以黃琮禮地……。」鄭注：「禮神者，必像其類，璧圓像天，琮八方像地。」郊：祭天曰郊。按，古封泰山，都需在泰山上祭天，在泰山下的某小山上祀地（見《華嶽》注〔二〇〕、〔二五〕），此二句卽指其事而言。

〔二六〕乂安：太平無事。《史記·平津侯主父偃傳》贊：「是時……海內乂安，府庫充實。」

〔二七〕「盡登」句：《漢書·王吉傳》：「臣願陛下承天心，發大業……馭一世之民，躋（登）之仁壽之域。」又《董仲舒傳》：「堯舜行德則民仁壽。」《論語·雍也》：「知者動，仁者靜，知者樂，仁者壽。」句謂天子行德政，百姓皆仁而壽考。

〔二八〕「猶下」句：指玄宗在東封泰山禮畢之後頒布大赦詔令。《冊府元龜》卷八十五：「開元十三年十一月壬辰，以封禪禮畢……大赦天下。」

〔二九〕與之更新：給予他們改舊爲新的機會。《後漢書·袁紹傳》：「燭除細故，與下更新。」

〔三〇〕寮：通「僚」。

〔三一〕邑宰：縣令。與尉：《左傳》襄公三十年：「廢其與尉。」正義：「服虔云：與尉，軍尉，主發衆使民。」按，與尉卽主持徵役之官，非唐時縣尉之職，此處蓋借作縣尉用。

〔三二〕綰墨：繫墨，謂佩墨綬。「綰」底本原作「館」，此從《全唐文》。按，漢縣令用墨綬（參見《漢書·百官公卿表》），此句蓋謂鄭由前縣令而解褐出仕。

龍星始見〔一〕，馬首欲西〔三〕。搢紳先生〔三〕，居多結友〔四〕，諸曹列署，且有同時〔五〕。幾時工部侍郎蕭公〔六〕，詞翰之宗〔七〕，德義之府〔八〕。弱年筮仕〔九〕，一命聯官于奉常〔二〇〕；幾日左遷，六人同罪于外郡〔二一〕。籟金盛業，克傳丞相文儒〔二二〕；萬石高風〔二三〕，彌重故人賓客。賦詩寵別〔二四〕，贈言誠行。騎登棧道，館于板屋〔二五〕。劍門中斷〔二六〕，蜀國滿于二川〔二七〕；銅梁下臨〔二八〕，巴江入于萬井〔二九〕。黃鸝欲語，夏木成陰，悲哉此時，相送千里。

〔一〕龍星始見：謂時值孟夏四月。《左傳》桓公五年：「龍見而雩。」杜注：「龍見，建巳之月（四月），蒼龍宿之體，昏見東方。」龍，蒼龍，東方角、亢、氐、房、心、尾、箕七宿之總稱；龍見，非謂七宿盡現，角、亢兩宿黃昏時現于東方，即可謂之龍見，是時正當孟夏建巳之月。

〔二〕馬首欲西：謂鄭欲西行人蜀赴任。



〔三〕 搢紳：插笏于紳。搢，插；紳，束腰的大帶。古之仕者，垂紳插笏，故稱士大夫爲搢紳。《莊子·天下》：「其在於《詩》、《書》、《禮》、《樂》者，鄒魯之士，搢紳先生，多能明之。」

〔四〕 居：平時。結友：結爲朋友。

〔五〕 諸曹：義同「列署」。古時分職治事的官署或部門，謂之曹。趙注謂「諸曹」指功曹、倉曹、戶曹、兵曹、法曹、士曹等六參軍，非是。列署：《文選》何晏《景福殿賦》：「屯方列署，三十有二。」呂延濟注：「列署，百官諸曹。」二句意謂，許多官署或部門，且有與鄭同時登第授官之友。

〔六〕 工部侍郎：工部副長官，正四品下。蕭公：趙注：「按《唐書·蕭嵩傳》：嵩子華，當嵩罷相時，擢給事中，久之，爲工部侍郎，天寶末爲兵部侍郎。」按，嵩罷相在開元二十一年十二月（見《新唐書·宰相表》），華爲工部侍郎約在開元末或天寶初，這就與上文所述封泰山事不合，且嵩家亦無「六人同罪于外郡」之事，故蕭公當非謂華，趙說誤。《舊唐書·蕭至忠傳》：「（至忠）弟元嘉，工部侍郎。」蕭公蓋即指元嘉，說詳後。

〔七〕 詞翰之宗：衆所宗仰的詞章名家。

〔八〕 德義之府：語出《國語·晉語四》：「夫先王之法志，德義之府（府庫）也。」句謂蕭公富有德義。

〔九〕 筮仕：古人將出任，先占吉凶，謂之筮仕。後因稱入官爲筮仕。

〔十〕 一命：周代官秩由一命到九命，分九個等級，一命是最低的一個等級。參見《周禮·春官·大宗伯》、《典命》。此指初出仕爲最低級之官。奉常：官署名，即太常寺。高宗龍朔二年（六六二）改爲奉常寺，咸亨元年（六七

○復舊，掌邦國之禮樂、郊廟、社稷等事。參見《唐六典》卷十四。句謂蕭初出仕時與鄭並官于奉常。據此句，可知蕭即「諸曹列署」中與鄭同時登第授官之友。

〔二〕「幾日」二句：《舊唐書·蕭至忠傳》：「先天二年，復爲中書令。……未幾，左僕射竇懷貞、侍中岑羲及至忠……等與太平公主謀逆事洩，至忠遽遁入山寺，數日，捕而伏誅，籍沒其家。」蕭家幾日之間，六人同獲罪左遷外郡，蓋受至忠株連之故。岑羲得罪伏誅後，親族亦遭放逐，事正與此同。岑參《感舊賦》曰：「由是我汝南公（岑羲）復得罪於天子。當是時也……去鄉離土，墜宗破族，雲雨流離，江山放逐。愁見蒼梧之雲，泣盡湘潭之竹，或投於黑齒之野，或竄於文身之俗。」

〔三〕《贏》（*Ying*）金盛業：指經學之業。《漢書·韋賢傳》：「賢爲人質朴少欲，篤志於學，兼通《禮》、《尚書》，以《詩》教授，號稱鄒魯大儒。……本始三年，代蔡義爲丞相。……少子玄成，復以明經歷位至丞相，故鄒魯諺曰：「子黃金滿贏，不如一經。」注：「如淳曰：『贏，竹器，受三、四斗，今陳留俗有此器。』……師古曰：『……筐籠之屬是也。』克能。丞相：謂蕭至忠。中宗時已官至丞相。文儒：指博學的儒者。《論衡·效力》：「使儒生博觀覽，則爲文儒；文儒者，力多於儒生。」《晉書·儒林傳》序：「逮于孝武，崇尚文儒。」二句指元嘉像至忠一樣通經，是博學的儒者。

〔三〕萬石高風：《史記·萬石張叔列傳》云：「萬石君名奮……姓石氏。……恭謹無與比。……孝景帝季年，萬石君以上大夫祿歸老于家，以歲時爲朝臣，過宮門闕，萬石君必下車趨，見路馬，必式焉。子孫爲小吏來歸謁，

萬石君必朝服見之，不名。……上時賜食於家，必稽首俯伏而食之，如在上前。」此指蕭公有萬石君恭謹重禮之高風。

〔二四〕 寵：榮。

〔二五〕 棧道：在險絕的山巖上架木而成的道路。板屋：見《送李太守赴上洛》注〔五〕。

〔二六〕 劍門中斷：見《送崔五太守》注〔一〇〕。

〔二七〕 二川：即二江，參見《送崔五太守》注〔二〕。句謂蜀國之地布滿于二川之間。

〔二八〕 銅梁：見《送李員外賢郎》注〔三〕。

〔二九〕 巴江：古書中關於巴江的說法不一。此處當指嘉陵江（銅梁山臨嘉陵江），參見《送崔五太守》注〔三〕。

### 故右豹韜衛長史賜丹州刺史任君神道碑并序〔一〕

君諱某，字某，其先奚仲之後，于周爲上卿，世有薛，列于諸侯〔二〕；氏則任，鬱爲著族〔三〕。後有官于京兆者，子孫因家焉，今爲萬年縣人也。遠祖某，漢河東太守〔四〕，曾祖某，周清河太守〔五〕，光復舊職，異世而同符〔六〕。祖某，隋梁州南鄭縣令〔七〕，父某，皇石州離石縣令〔八〕，不墜象賢〔九〕，一門而二鳧焉〔一〇〕。皆爲政以德〔二〕，遺愛在人〔三〕，能高其門，必有

興者〔三〕，雖不當代，果生達人〔四〕。君離石府君之第某子也〔五〕，膺一賢之期〔六〕，鍾累葉之善〔七〕，忠孝自得，稟乎天姿〔八〕；詩禮輔成，潤以庭訓〔九〕。文含四始〔一〇〕，雕蟲之技附庸〔一一〕；武有七德〔一二〕，啼猿之術居外〔一三〕。明經者皓首，弱歲成儒〔一四〕；達法者腐脣〔一五〕，端居曉吏〔一六〕。以鄉貢明經擢第〔一七〕，解褐益州新都縣尉〔一八〕。居無何，丁母憂。廬以長號〔一九〕，有淚少于血〔二〇〕；杖而後起〔二一〕，骨餘于形〔二二〕。彈琴不成，從先王之禮〔二三〕；捧筐便慟〔二四〕，有終身之哀。服闋，授左金吾衛兵曹參軍〔二五〕，轉左衛錄事參軍〔二六〕，又遷右豹韜衛長史。王樂爲用〔二七〕，率武夫以扞城〔二八〕；人愛其才，稱君子之爲衛〔二九〕。方將冠章甫之冠，衣縫掖之衣〔三〇〕，奏議雲臺〔三一〕，論政赤墀，一見天子，必爲之前席〔三二〕；三說大臣，必爲之解印〔三三〕。若端委以相〔三四〕，六合盡宅心于帝庭〔三五〕；授鉞董戎〔三六〕，八蠻可傳首于魏闕〔三七〕。然後挂冠東都〔三八〕，拂衣五湖〔三九〕，高蹈烟虹〔四〇〕，笑謝珪組〔四一〕。天命不祐，沮我良策〔四二〕，春秋若干，以某年月日寢疾，卒于永興里第〔四三〕。某年月日，葬于京兆神禾原〔四四〕，禮也。

〔一〕 約作于開元十八年，說見本篇第二段注〔九〕。右豹韜衛：即右威衛，唐十六衛（負責官禁宿衛的禁軍）之一。

諸衛官屬各有長史一人，從六品上。《唐六典》卷二十四：「左右威衛……光宅元年改爲左右豹韜衛，神龍元年

復爲左右威衛。」底本注：「右，一本作左。」丹州：唐州名，治所在今陝西宜川。《舊唐書·地理志》：「丹州……

天寶元年改爲咸寧郡，乾元元年復爲丹州。」題下注語底本原無，據宋蜀本、述古堂本補。

〔三〕「其先」四句：《左傳》定公元年：「薛之皇祖奚仲居薛，以爲夏車正，奚仲遷于邳，仲虺居薛，以爲湯左相。」《元

和姓纂》卷五：「黃帝廿五子，十二人各以德爲姓，一爲任氏，六代至奚仲，封薛。」《新唐書·宰相世系表》：「任姓出自黃帝少子禹陽，受封于任，因以爲姓。十二世孫奚仲爲夏車正，更封于薛。又十二世孫仲虺爲湯左相。太戊時有臣扈，武丁時有祖己，皆徙國于邳。祖己七世孫成侯，又遷于摯，亦謂之摯國。漢有御史大夫

廣阿侯任敖，世居于沛，其後徙居渭南。」周，趙殿成曰：「疑是殷字或商字之訛。」《全唐文》作「商」。按，《左傳》隱公十一年正義曰：「譜云：薛，任姓，黃帝之苗裔奚仲封爲薛侯……仲虺居薛，以爲湯左相，武王復以其胄爲薛侯。齊桓霸諸侯，黜爲伯。」薛周初復受封爲諸侯，則稱「奚仲之後，于周爲上卿」，當不誤也。上卿，宋蜀本作「卜正」。《左傳》隱公十一年：「滕侯、薛侯來朝，爭長。滕侯曰：『我，周之卜正也；薛，庶姓也，我不可以後之。』則爲卜正者實滕侯也。薛，故地在今山東滕縣東南，戰國初爲齊所滅，成爲田嬰、田文的封地。此字底本原作「功」，從宋蜀本改。

〔三〕鬱：繁盛。

〔四〕河東：郡名。漢時治所在安邑（今山西夏縣東北）。

〔五〕清河：郡名。北周時治所在武城（今河北清河西北）。

〔六〕光，底本原作「先」，趙校曰：「疑是克字之訛。」此從《全唐文》。符：符合。二句指任君之遠祖、曾祖與其先祖

同爲諸侯（古或稱郡守爲諸侯）。

〔七〕 梁州：隋時治所在南鄭（今陝西漢中）。

〔八〕 石州：唐時治所在離石（今山西離石）。

〔九〕 墜：失。象賢：書·微子之命：「殷王元子，惟稽古崇德象賢。」蔡傳：「謂其後嗣子孫，有象先聖王之賢者。」

禮·郊特牲：「繼世以立諸侯，象賢也。」鄭注：「賢者子孫，恆能法其先父德行。」

〔一〇〕 鳧鳥（~~之~~細）：後漢書·方術列傳上載：王喬爲葉縣縣令，有神術，每月初一、十五，常自縣中人都朝見天子，

「帝怪其來數而不見車騎，密令太史伺望之，言其臨至，輒有雙鳧從東南飛來。于是候鳧至，舉羅張之，但得

一隻鳧（鞋）焉。以「鳧鳥」指縣令本此。

〔一一〕 爲政以德：語本論語·爲政：「爲政以德，譬如北辰，居其所而衆星共之。」

〔一二〕 遺愛在人：晉書·樂廣傳：「然每去職，遺愛爲人所思。」南史·蕭引傳：「吾家再世爲始興郡，遺愛在人。」

〔一三〕 「能高」二句：漢書·于定國傳：「始定國父于公，其閭門壞，父老方共治之，于公謂曰：『少高大門閭，令容駟

馬高蓋車。我治獄多陰德，未嘗有所冤，子孫必有興者。』至定國爲丞相，永（定國子）爲御史大夫，封侯傳世

云。」二句卽用其事，謂其先人能行德政，子孫必有興者。

〔一四〕 不當代：卽「不當世」。此指身無貴位。達人：顯達之人。此二句意本左傳·昭公七年：「聖人有明德者，若不

當世（有明德而不當大位），其後必有達人。」

〔一五〕 府君：對死者的敬稱。

〔一六〕 膺：當。一賢之期：《孟子·公孫丑下》：「五百年必有王者興，其間必有名世者（指輔佐聖王的賢者）。」《舊唐書·員半千傳》：「員半千，本名餘慶……少與齊州人何彥先同師事學士王義方，義方嘉重之，嘗謂之曰：『五百年一賢，足下當之矣。』因改名半千。」句謂身值出賢者之時。

〔一七〕 鍾：聚，集。

〔一八〕 稟：承受。天姿：天生的品性資質。

〔一九〕 潤：滋潤，沾惠。以：于。庭訓：《論語·季氏》：「孔子嘗獨立，鯉（孔子之子）趨而過庭。曰：『學詩乎？』對曰：『未也。』」不學《詩》，無以言。《鯉退而學《詩》》。他日，又獨立，鯉趨而過庭。曰：『學禮乎？』對曰：『未也。』「不學禮，無以立。」鯉退而學禮。」二句意謂，依父教學習《詩》禮，從中得惠，輔助成立。

〔二〇〕 四始：《毛詩序》：「是謂四始，《詩》之至也。」正義：「四始者，鄭（玄）答張逸云：『《風》也，《小雅》也，《大雅》也，《頌》也。此四者，人君行之則為興，廢之則為衰。』又《鄭》箋云：『始者，王道興衰之所由。然則此四者是人君興廢之始，故謂之四始也。』」句謂就「文」而言，能掌握《詩》之精義。

〔二一〕 雕蟲之技：謂辭賦小技。揚雄《法言·吾子》：「或問：『吾子少而好賦？』曰：『然。童子雕蟲篆刻。』俄而曰：『壯夫不為也。』」

〔二二〕 武有七德：《左傳·宣公十二年》：「夫武，禁暴、戢（止）兵、保大、定功、安民、和衆、豐財者也，故使子孫無忘其

章。……武有七德，我無一焉，何以示子孫？」

〔三〕啼猿之術：指高超的射藝。《淮南子·說山》：「楚王有白猿（猿），王自射之，則搏矢而照，使養由基射之，始調弓矯矢未發，而猿擁柱號矣。」

〔四〕此二句謂通曉經術者皆年老頭白，而任君卻年少即成儒者。

〔五〕腐脣：指因長期誦讀法令規章至使嘴脣糜爛傷損。《漢書·東方朔傳》：「今子大夫修先王之術，慕聖人之義，諷誦《詩》、《書》、百家之言，不可勝數，著於竹帛，脣腐齒落，服膺而不釋。」

〔六〕端居：平時，平素。句謂任君平時在家即通曉吏事。

〔七〕鄉貢：唐代以科舉取士，士人由學館貢至尚書省受試者，謂之生徒，在家自學，經府州考試合格，由府州貢至尚書省受試者，謂之鄉貢。明經：唐試士之常科主要有進士與明經，明經初試帖一大經及《孝經》、《論語》、《爾雅》，每經帖十條，取通五條以上者，二試口問經之大義十條，取通六條以上者，三試答時務策三道，取粗有文理者與及第。參見《唐六典》卷四、《通典》卷十五。

〔八〕縣，底本原無此字，據宋蜀本補。

〔九〕廬：守墓用的小屋。古禮遇君父、尊長之喪，即於墓旁築廬居住。《荀子·禮論》：「齊衰，苴杖，居廬，食粥，席薪，枕塊，所以爲至痛飾也。」此處作動詞用，指居廬。

〔十〕淚少于血：形容極其悲痛。《韓非子·和氏》：「和乃抱其璞而哭於楚山之下，三日三夜，泣盡而繼之以血。」



〔三〕杖而後起。禮記·檀弓上：「君子之執親之喪也，水漿不入於口者三日，杖（動詞）而後能起。」

〔三〕骨餘于形，骨多于形，言因哀傷而極度消瘦，骨露于外。「餘」宋蜀本作「飾」。

〔三〕「彈琴」二句：禮記·檀弓上：「子夏既除喪而見（見於孔子），予之琴，和之而不和，彈之而不成聲，作（起）而

曰：「哀未忘也，先王制禮，而弗敢過也。」不成，即不成聲。

〔三四〕捧篋：謂捧篋以祭。篋，方形竹器，可用來盛祭品。周禮·春官·司巫：「祭祀則共厘主，及道布，及菹館。」

鄭注：「菹之言藉也，祭食有當藉者，館所以承菹，謂若今篋也。」賈疏：「篋，所以盛菹者也。」左傳·隱公三年：

「苟有明信……篋、筥、錡、釜之器，潢、汙、行潦之水，可薦於鬼神，可羞於王公。」

〔三五〕左金吾衛：唐十六衛之一。官屬有兵曹參軍二人，正八品下。

〔三六〕左衛：十六衛之一。官屬有錄事參軍一人，正八品上。

〔三七〕句謂君王樂於使其爲己效力。

〔三八〕扞城：保衛。左傳·成公十二年：「此公侯之所以扞城其民也。」疏：「所以蔽扞其民若如城然。」

〔三九〕君子之爲衛：晉書·劉超傳：「會帝崩，穆后臨朝，遷射聲校尉。時軍校無兵，義與人多義，隨超（超嘗爲義興

太守），因統其衆以宿衛，號爲君子營。」

〔四〇〕章甫之冠、縫掖之衣：指君子有道藝者之服。禮記·儒行：「魯哀公問於孔子曰：『夫子之服，其儒服與？』孔

子對曰：『丘少居魯，衣逢掖（同「縫掖」）之衣，長居宋，冠章甫之冠，丘聞之也，君子之學也博，其服也鄉（須依

編年文（開元） 故右豹韜衛長史賜丹州刺史任君神道碑